



■ Biarnoko eski estazioek gero eta euskal herritar gehiago hartzen dituzte, gertu tasun eta kalitate arrazoiak direla medio nagusiki. ■ Arette, Artouste eta Gourettek estazioak dira nagusi hauen artean. ■ Ikastaroetan ere bada aukera anitz.

ESTAZIOAK	SARRERAK	PISTAK		ALTUERA		ERREMONTEAK	ELURRA	LODIERA	INFORMAZIOA
		Alpinoa	Iraupenekoak	Min.	Max.				
Astun	Irekita	20	--	1.700 m.	2.350 m.	14	Hautsa	60-90 cm.	(974)373034
Formigal	Irekita	15	-	1.500 m.	2.250 m.	14	Hautsa	30-55 cm.	(974)490000
Candanchu	Irekita	21	--	1.500 m.	2.400 m.	18	Hautsa	25-40 cm.	(974)373192
Panticosa	Irekita	4	-	1.140 m.	2.000 m.	4	Hautsa	20-40 cm.	(974)487248
Cerler	Irekita	14	-	1.500 m.	2.600 m.	12	Hautsa	15-45 cm.	(974)551111
Baqueira Beret	Irekita	47	-	1.500 m.	2.500 m.	24	Hautsa	60-80 cm.	(973)645062
Boi-Taull	Irekita	16	-	2.000 m.	2.550 m.	11	Hautsa	40-50 cm.	(973)696195
SuperSpot	Irekita	13	-	1.500 m.	2.400 m.	7	Hautsa	15-40 cm.	(93)2377306
La Molina	Irekita	6	-	1.600 m.	2.550 m.	5	Hautsa	20-25 cm.	(972)892031
Vall de Nuria	Irekita	3	-	1.960 m.	2.250 m.	4	Hautsa	10-30 cm.	(972)727031
Valter 2.000	Irekita	4	-	1.950 m.	2.535 m.	4	Hautsa	25-40 cm.	(972)740104
Arinsal	Irekita	17	-	1.550 m.	2.600 m.	10	Hautsa	40-60 cm.	(07-376)864389
Irati	Kateak	-	5 (42km.)	1.200 m.	1.500 m.	-	Zapaldua	50-80 cm.	(0733)59285129
Arette	Kateak	23	2 (33km.)	1.500 m.	2.200 m.	16	Ona	40-70 cm.	(0733)59662009
Gourette	Kateak	15	-	1.400 m.	2.400 m.	24	Ona	50-75 cm.	(0733)59051217
Artouste	Kateak	7	1	1.400 m.	2.100 m.	8	Zapaldua	50-70 cm.	(0733)59053400
Cauterets	Kateak	16	5 (35km.)	1.850 m.	2.400 m.	14	Ona	100-150 cm.	(0733)62925027
Luz Ardiden	Irekita	31	1	1.680 m.	2.450 m.	17	Zapaldua	100-125 cm.	(0733)62928160
La Mongie	Kateak	30	1 (2,5 km.)	1.800 m.	2.500 m.	28	Zapaldua	80-120 cm.	(0733)62919415
Superbagneres	Kateak	22	2 (25 km.)	1.440 m.	2.250 m.	14	Ona	60-100 cm.	(0733)61792121
Valdezcaray	Kateak	11	-	1.530 m.	2.260 m.	10	Hautsa	20-40 cm.	(941)427040
Valdelinares	Kateak	1	-	1.800 m.	2.025 m.	2	Hautsa	30-60 cm.	(978)608181
Alto Campoo	Kateak	5	-	1.650 m.	2.175 m.	4	Hautsa	20-50 cm.	(942)779222
ALPEAK									
Isola 2.000	Irekita	8	-	1.800 m.	2.100 m.	7	Ona	20-30 cm.	(0733)93231515
Avoriaz	-	-	-	1.040 m.	-	-	-	-	(0733)50740211
Morzine-Avoriaz	-	-	-	-	-	-	-	-	(0733)50790345
Chamonix	Kateak	63	15 km.	2.000 m.	3.300 m.	51	Gogorra	25-250 cm.	(0733)50530024
Val Thorens	Kateak	61	3	2.300 m.	3.200 m.	48	Zapaldua	35-100 cm.	(0733)79007979
Val d'Isere	Kateak	52	3	1.840 m.	3.300 m.	43	Zapaldua	70-120 cm.	(0733)79060660

Oharra: Gaur eta asteburuari begira, elur ugari iragarri du Zaragozako Institutu Meteorologikoak Nafarroa eta Aragoiko Pirinioetarako. Egunez, 600 metrotik behera ere egin dezake elurra eta haizeak iparraldetik joko du, zenbaitetan ekaizta ere ekarri. Argi ibili, beraz, eta kateak beti eskura.

Biarno, bertatik bertara

Arette, Artouste eta Gouretteko pistetara euskal herritar ugari hurbiltzen da

R. OLASAGASTI / DONOSTIA

Aurreko orrialdeetan esana dugun legez, gero eta euskal herritar gehiagok jotzen du Biarnoko eski estazioetara, Arette, Artouste eta Gouretteko pistetara batez ere. Iparraldetik zehar nahikoa gertu daude estazio hauek (195 kilometro inguru Irundik) eta eskaintzen dituzten zerbitzuak kalitatekoak dira zinez. Arrazoi bi hauek aski dira, hortaz, nola Hegoaldeko hala Iparraldeko eskiazaileek Biarno hautatzeko. Gainera, Irati, Abodi eta inguruan fondoko eskia egiteko pistak ere badira eta parajeak (Ossauko bailara, San Martingo Harria...) zoragarriak. Erakargarri ugari, beraz.

Arette, Pirinio mendebaldeko lehen estazioa, Nafarroako mugatik kilometro eskas batzuetara dago, Zuberoari itsatsita. Anieren magaleko estazio honek 1.500 eta 2.200 metro artean kokatutako 25 pista ditu, zazpi berde, hamar urdin, zortzi gorri eta beltz bat. Horrezaz gain, iraupen eskia egiteko bost kilometroko ibilbide bat bada. Berrikuntzen artean 3.200 metroko pista bat aipatu behar da, 'El bulevard de los arandanos'. Pisten azpiegi-



Aretteko estazioa Anie atzean duela.

tura osatzeko, bost teleaulki eta 13 teleski ditu Arettek. Eta instalazio hauek baliatuz, eski eskola bat ere badago.

Aretten, bestalde, haurtzaindegia, diskoteka, joko aretoak, bideoteka eta denbora pasarako hainbat zerbitzu badira, farma- zia, sendagilea eta beste oinarritzko baliabideez gainera.

Artousteko estazioa Midi d'Ossau izugarriaren magalean

ezarrita dago. Alpinoa, iraupenekoak, monoeskia, zeharkaldi eskia... aukera guztiak aukeran eskaintzen ditu estazio honek. Espainia eta Frantzia arteko *forfait*-ari esker Formigaleko pistez ere gozatu ahal da. 1.400 eta 2.100 metro artean kokatuta, 9 pista ditu Artoustek: berde bat, lau urdin, hiru gorri eta beltz bat. Bederatzi erremonte eta Fabreges herritik hurbiltzeko telekabi-

nak osatzen dute estazioa. Bataz beste, 6.820 eskiazaile har ditzake orduko. Iraupen-eskiari dagokionez, Fabreges herritik bertatik abiatzen den 10 kilometroko ibilbide ederra bada, materiala alokatzeko aukera ematen duen jatetxe eta guzti.

Eski eskolarik, elurrezko jardinarik (umekar eskiatzen ikasteko leku aproposa), joko aretorik edo parapentea egiteko lekurik ere ez da falta. Eta Aretten bezala, eskura daude bi, lau edo sei lagunentzako etxetxoak, nahikoa moduan.

Azkenik, Gourette, Aubisqueko mendatearen ondoko estazioa, Pirinioetako onentsuene-takotzat hartua dago. Hemezortzi pista ditu, 1.400 eta 2.400 metro artean banatuak. Zazpi dira berdeak, bost urdin eta gorriak eta beltz bakarra. Frantziako Eski Eskolako begiralerik onenek jarduten dute bertan lanean, taldeka edo banaka ikastaroak emanez.

Gaueko eskia, surfa, telemark eta ohiko modalitateak egin daitetzeko bertan. Eta aurreko bietan bezala, bestelako zerbitzuak ere ez dira falta Gouretten, etxeko erosotasunean bezain gustura sentiarazteko nahikoa.

IKASTAROAK

Gasteiz Mendi Taldearen ikastaroak

Gasteiz Mendi Taldeak hainbat ikastaro antolatuta ditu. Alpinoari dagokionez, hainbat modalitate daude aukeran: 10 larunbat, 10 igande edo bost asteburu. Hamar larunbateko ikastaroek hilaren 14an hasi eta martxoaren 18an arte iraungo dute, igandekoak, berriz hil honen 15etik martxoaren 19ra arte. Bost asteburutako ikastaroak bi txandatan banatuko dira. Lehenengo urtarrilaren 14-15ean hasiko da eta bigarrena 21-22an.

Iraupen-eskiari dagokionez, igande honetan hasi eta hurrengo bietan egun bakoitzeko ikastaroa egingo da Somporteko estazioan. Informazioa: 25 67 75.

Arrangoitzeko Uda Leku elkartearen ikastaroak

Arrangoitzeko Uda Leku taldeak bi elur egonaldi antolatuta ditu Candanchun. Baita mailatan banatzen dira ikastaroak: zortzi eta hamaika urte bitartekoak otsailaren 19tik 25era izango dute euren txandak eta 26tik martxoaren 4ra hamaika eta 16 urte artekoak. Informazioa: 59 13 05 79.

IRTEERAK

Zarautz: Pagoeta Mendizale Elkartek antolatuta, fondoko eskia irteera egingo da hil honen 14 eta 15an, Somporteko hain zuzen. Izena Mendizabal dendan ematen behar da hilaren 10a baino lehen.

Irun: Irungo Mendizale taldeak antolatuta eskia alpinoko irteera izango da hilaren 15ean La Mongie Frantziako eski estazioan. Informazio gehiago 61 29 19 telefonoan edo taldearen egoitzan (Serapio Mugika 25, behean).

PROBAK

Bizkaiko eta Euskadiko iraupen txapelketak

Gaur hasi eta igandera bitartean Bizkaiko iraupen eskiko txapelketak jokatu-ko dira Somporten, 2,5, 5, 10 eta 15 kilometroko modalitateetan. Hurrengo bi asteburuetan, berriz, Euskadiko txapelketa jokatu-ko da Candanchun, bai bakarka eta bai erreleboan. Emango dizuegu horien berri.